

B. N. C.  
FIRENZE

1093

3



10/10/10



INDEX  
ADAM NOVITATUM,  
*Quas*  
JESUS SAMUEL  
FFENDORFF  
LIBRO SUO  
DE  
PURE  
NATURÆ ET  
GENTIVM  
Contra orthodoxa fun-  
damenta Londini edidit.



Anno M. DC. LXXIII




THE  
MUSEUM

THE  
MUSEUM

THE  
MUSEUM

THE  
MUSEUM

xvii  
50

I,  
 Tatuit, civitatem ejusmodi doctrina personare debere, quæ cum fine & usu civitatum congruat; explicatque hoc ipsum non tantum de scientia humana, sed etiam ea, quæ est circa cultum Dei. Sic n. pag. 910. Inde expectit, ut publicè &c. confer p. 911. Qui error Theologiam Gentilium <sup>id est</sup> sequitur; quippe, quæ etiam utilitati publicæ respondere debebat. Corrupta hac doctrina luculenter innuit, sicut sibi proficuum fuit Heidelbergæ agere Calvinistam, ita in Suecia sub specie pietatis Lutheranum fictè proficitur; quod si in ultimo Mundi angulo Muschovia ei benignior fortunæ aura afflaret, religionem juxta suam doctrinam inculti hujus populi moribus conformem confestim sibi fingeret more impiorum politicorum, quorum axioma est, si fueris Romæ Romano vivito more, si fueris alibi, vivito sicut ibi.

## II,

Deum, eo quod agens liberrimum est, na-

A

turæ

turæ suæ legibus ita non teneri docet, ut hoc vel illud (intellige peccata) agere non possit, affirmatque omnia illa, quæ non agere posse dicitur, non per naturale impedimentum, sed ex placito vel voluntate non agere, legemque sibi ipsi non nisi ex placito esse pag. 133. §. 3. Quod autem & p. 166. §. 6. sicut & valde arguitur: ibid. Sed nec citra animadversionem &c. (ex quo posteriori loco intelligitur fundamentum erroris esse, quod existimat legibus naturæ adstrictum esse, Majestati omnipotentis incongruum esse: cum tantum quidem absit, ut vel omnipotentis vel beatitudini divinæ hoc quicquam deroget, ut etiam perfectionem & immutabilitatem divinam quam maximè consummet.) Sequitur autem Puffendorfius in errore hac Zuinglianos, qui etiam legibus Numen non teneri ideo docent, quia liberè cum creaturis agere licet.

### III.

Quando pag. 133. docet, ex placito vel voluntate non autem ex naturali vel essentiali impedimento provenire, quod Deus quædam agere non posse dicatur, voluntatem uniusque & essentialiam Dei non unum, idemque, sed distincta esse cum Voglio T. de Deo docet.

### IV.

Statuit Justitiam ad Deum propter Similitudinem

rudinem saltem, talem nempe agendi modum,  
qualis est in hominibus ad Deum applicari, De-  
oque <sup>iniquis</sup>, imo etiam minus Deo, quam homi-  
nibus competere p. 134. Hinc & quando &c. in-  
ter homines sanctum pag. 166. §. 6. p. 177. §. 12.  
Istis locis &c. Ita autem de justitia Dei sentire  
Puffendorffium Sociani docent, qui non essen-  
tialem Dei proprietatem Justitiam, sed tantum-  
modo effectum voluntatis ejus esse affirmant  
vide Socin. de serv. Christ. c. 91.

V.

Deum non principaliter propter essentiam,  
sed propter potestatem, voluntatem & beneficia  
coli, idque primum implicite pag. 79. his verbis.  
Adeoque legibus obeditur non principaliter  
propter rem ipsam, sed propter voluntatem præ-  
cipientis. Deinde explicitè p. 92. Inde etsi impia  
sit Epicuræorum. Quem errorem iterum com-  
munem habet cum Socinjanis, in primis autem  
Schmaltio. Refut. monstror. pag. 88. ubi inquit.  
Nisi enim constaret eum, qui divinam habet es-  
sentiam divinam etiam habere potentiam in nos  
omnes, & simul voluntatem nos juvandi, non  
sequeretur ei præcisè deberi cultum divinum

*De homine in statu integritatis sequentes  
observa errores.*

VI.

Docet illum statum, in quo homo absque



ulla cura vel ope ab alio homine accedente con-  
sideratur, longè miserrimum esse; ne illo quidem  
excepto, in quo homo iusta statura ac robore  
præditus fuit, quàm primùm existere cœpisset,  
h. e. statum Adami ante Evam creatam p. 140. § 2.  
Si igitur. Quis iterum error Socinianisnum sapit.

### VII.

Docet, primum ac recentem orbis incolam  
h. e. Adamum, (quem licet in statu integritatis  
ex revelatione multa cognovisse haud negemus,  
tanta tamen sapientia eum conditum esse credi-  
mus, quanta hodie in summum etiam Philoso-  
phum non cadit) hunc inquam iste servari non  
potuisse docet, nisi Deus ipsum necessaria etiam  
vitæ media adhibere peculiariter docuisset p. 140.  
§. 2. Inde licet de originibus &c. In quo errore  
Pelagianos sequitur, qui rudem Adamum & sa-  
pientiæ expertem conditum esse docuerunt. Vel  
etiam Socinianos, qui cum Schmaltio Adamum  
ante peccatum infantis instar fuisse, qui quid ef-  
fet, nudum esse, ex seipso scire non potuit.

### VIII.

Quod homo prout ex creatione physice  
perfectus extra societatem existit, sine lege ordi-  
ne & decore reluctanter habuerit voluntatem,  
brutisque ipsis inferior ac pravior fuerit, quæ  
causa, quamobrem lex illi superaddita sit. Hoc  
sibi

sibi vult pag. 3. Nobis illud §. 3. Exinde p. 4. §. 4.  
p. 136. §. 5. & 6. pag. 138. §. 8. Igitur quod homo &c.  
Talia vero Socinianorum & Hobesii principia  
sequutus docet. vide Schmalt. de natura Dei Fil.  
p. 61. Socin. lib. sua for p. 95.

IX.

Attributa vel entia moralia originitus ho-  
mini physicè perfectò superaddita saltem non  
concreata esse p. 3. §. 3. & 4. Intelligita. per entia  
moralia illos etiam modos (ut loquimur) qui-  
bus homo creatura esse debet, autorem sui a-  
gnoscent, colensque, quibusque diversa plane  
à brutis ratione vita eidem exigenda est (h. e. le-  
gem naturæ.) Sic n. entia moralia ipse explicat  
pag. 5. & 6. §. 6, 7. Illud vero nempe quod entia  
moralia originitus superaddita saltem, non  
autem concreata homini sunt, quando docet,  
cum Papistis maxime facit. Ex his enim Bellarm.  
cap. 6. de gratia primi hominis eundem in mo-  
dum scribit, Creatio refertur ad naturam, indu-  
mentum virtutis ad superaddita dona. Et mox.  
Innocentia autem ad illius vestem non natura-  
lem &c. Et paulo post. Quocirca ex testimo-  
nio &c. Ut multa paucis exprimantur, si quis pe-  
nitius inspexerit Puffendorffii opus, non diffre-  
bitur, Puffendorffium non modo entia moralia,  
verum etiam totum ferme librum primum tam  
obscure

obscurè tractare, ut ipse vix intelligat, quid infirmis suis novitatibus sibi velit, nisi ut eas imprudenti juventuti sub terminis metaphysicis & fictitiis venales indignè exponat.

X.

Primos homines prout in originè ac statu suo primævo se habuerunt, non tantum mortaliū, nomine appellat, sed tantam etiam illis imbecillitatem tribuit, ut sine peculiari cura servari non potuissent. Mortalitatē etiam causa generis humani diversitate sexus, propagandique sese facultate creatum esse p. 140. §. 2. Inde licet p. 750. §. 2. Postquam. In quo errore Pelagianos, Socinianos, aliosque sequitur. vid. Augustin. de Hæres. c. 28. Socin. l. de statu primi hominis p. 57.

XI.

Recentem & solitarium orbis incolam attonitum, h. e. consternatum fuisse ibid. p. 140. §. 2. Qui error ejusdem notæ cum prioribus est.

XII.

Illud autem quod primus etiam homo extra societatem sine lege, ordine, ac decore miserimus fuerit, probari illo posse dicto putat. Non est bonum, hominem esse solum. Præfat. l. fol. 3. fac. 1. Cæterum &c. Imprimis v. p. 138. §. 8. Igitur quod homo non miserissimam &c. Quasi vero externa illa socialitatis felicitate deficiente naturalis

ralis etiam & essentialis hominis deficeret felicitas. Quasi vero inquam bonis fortunæ deficientibus; bona statim animi & corporis deficerent. Alicujus, non autem omnis humanæ felicitatis causa est soci-  
alitas; augmentum, non fundamentum.

*De Homine in Statu corruptionis.*

13. Entia moralia, eorumque effectus originitus etiam considerata amitti vel deleri pro lubitu posse sine ulla mutatione vel corruptione ejus rei cujus antea fuerunt, pag. 4. §. 4. Ac per eadem p. 19. §. 23. Quem errorem etiam communem cum Pelagianis, Socinianis ac Papistis habet.

14. Negat, quædam per se extra omnem impositionem honesta vel turpia esse, omnesq; actiones hominis, adeoque ipsum furtum, homicidium, incestum, adulterium, blasphemiam &c. naturâ suâ actiones esse indifferentes. p. 25. 26. NB. 27. Hoc n. modo conf. pag. 47. §. 14. pag. 167. §. 4. Qui Hobbesii error Ultrajecti nuper publica disputatione refutatus est. Quantum mali ex tam impiis novitatibus in rempubl. redundare, incautæq; juventutis animos opinione citius pessimè corrumpere possint, norunt Theologi.

15. Peccatum alienum exsequi, peccatum non esse p. 1028. & 1029. Quemadmodum in plurimis aliis, ita & in hoc casu amplam fovet conscientiam & novitatis cum piorum offensione est studiosissimus.

*Errores circa liberum arbitrium.*

16. In ipsa facultate apprehensiva & in iudicio naturalem inesse rectitudinem, vel intellectum hominis naturaliter esse rectum p. 37. §. 3 p. 72. Nam id utique, Qui error Scholasticus est damnatus à Luthero in articulis Schmalcald, artic. de peccato post Adæ lapsum. Talia portenta &c.

17. Omnibus suis affectibus vel passionibus imperare hominem posse; ut ne in actionem etumpan, verbis Cartesii, quæ sua facit, statuit p. 55. Illud institutio nostro &c.

*Errores circa legem naturæ.*

18. Genuinum sufficiens & adæquatum principium cognoscendi legem naturæ esse socialitatem pag. 181. §. 14. p. 183. §. 15. NB. p. 188. §. 19. (Quasi vero Paulus Rom. 1. ex professo juris naturalis principia enumerans ignoravisset ac omisisset principium maxime genuinum, manifestum, sufficiens & adæquatum. Quasi vero principia ejus essent adulteria, obscura, insufficientia, inadæquata.)

19. Legem naturæ insitum quendam vel connatum habitum esse negat. Primum qui idem implicite toties, quoties entia n. o. alia naturæ jam creatæ & perfectæ superaddita saltem, vel superimposita statuit esse. Item quoties discrimen honestorum & turpium ex informatione, assuetudine & discursu esse docet, id quod potissimum p. 179. & 196. facit. Deinde expli-

de explicitè p. 178. §. 13. Quam ad rem &c. Ubi etiam dictum illud Pauli Rom. 11. v. 15. per quod legem insitam esse credimus, in falsam suam detorquet sententiā. Adde his pag. 19. Nunquam enim. Est autem hæc Socinianorum etiam doctrina, de qua vide Socin. prælect. Theol. c. 2. p. 3. ubi receptior hodie sententia est, inquit, homini naturaliter, ejusq; animo insitam divinitatis alicujus opinionem &c. Hanc sententiam nos falsam esse arbitramur, conf. Tract. de statu primi hominis c. 4. p. 118.

20. Essentialem Dei justitiam prototypum juris naturalis esse negat p. 163. & 164. idque argumentis probare conatur, sed ejusmodi, quibus ipsam Dei justitiam cum imagine ejus, vel eo, quod ei conforme est, confundit. Legitur hic ejus error etiam in Elementis juris universi, estque gravissimus, quippe quo fidem Christianam de imagine Dei ex ipso fundamento evertit (quod Auctor bene quidem intelligit, sed ne facere videatur addit; Quæ enim ex sacris Scripturis asseruntur, quod homo ad imaginem Dei sit conditus, huc non faciunt. Nam & qui imaginem illam amissam fatentur, legis Naturalis sensum in homine remansisse agnoscunt. Sed gratis hæc addit, quando quidem ita simpliciter an illam esse imaginem Dei non credimus, ut nullæ ejus super sint reliquæ, quæ nunc, lex naturæ sunt. Neque præterea valet consequentia hæc, Imago essentialis

Dei iustitiæ est amissa. Ergo lex naturæ non potest  
esse *ἐκτύπωμα* essentialis Dei iustitiæ. Nam simplici-  
ter eam quoad spiritualia amissam esse credimus,  
nihilominus tamen spiritualia illa, quibus ad imagi-  
nem Dei renovamur, *ἐκτύπωμα* essentialis Dei sapien-  
tiæ, iustitiæ, & sanctitatis sunt.)

21. Negat legem naturæ esse æternam p. 25. §. 6.  
Et sanè, pag. 28. Ex quibus apparet.

22. Entia moralia (adeoque etiam leges naturæ)  
mutabilia esse docet pag. 19. §. 23. Hæc nova plus ve-  
neni, quàm commodi juvenibus afferunt. Beati, qui  
simplici via jus naturæ & decalogum tractant, &  
entia moralia, eorumque mutabilitatem Puffendor-  
fio soli volvenda ac revolvenda relinquunt.

23. Principium essendi vel fundamentum Legis  
naturæ non naturam hominis ponit, quatenus in-  
tegra & incorrupta ad imaginem iustitiæ & sancti-  
tatis Dei essentialis velut prototypi creata erat (quod  
rectè qui sentiunt cum Mævii Prodromo secundum  
scripturas & Formulam concordiæ de tertio usu le-  
gis thesi 1. Etenim ne primi &c. faciunt) sed legis  
Naturæ fundamentum, quatenus à creatore socia-  
lis facta est, adeoque ipsam socialitatem cum duce  
suo Hobbesio Hæretico ponit esse, idque statim  
in præfat. fol. ult. Cæterum id quoque monere vi-  
sum & scribidem; Quid porro planius est, quàm hoc  
&c. Adde pag. 167. Sic quod &c. (ratio ipsius est,  
quod



quod nostrū Orthodoxorum illud fundamentū illi tantum ex Christianis admittunt, qui peccatum Originis agnoscunt, non ad universum mortaliū genus. Quasi vero ab ignorantia illius fundamenti ad negationē ejus descendendum sit; præsertim cū ista sit ignorantia non facti, sed juris universalissimi, quod scire omnes & debent & possunt secundum illud Apostoli Rom. 10. v. 16. 18. Multi quidem evangelio inobedientes sunt. Ego vero dico,annon audiverunt &c. Quanquam fundamentum illud nostrum materialiter etiam gentes ex parte admittunt, quando principia connata, quæ nihil aliud sunt, quam reliquæ imaginis divinæ nobiscum agnoscunt.)

24. Plures uxores, quàm unam domum duxisse contra jus naturæ (vel decalogum) non esse implicitè docet pag. 776. §. 16. ubi dicit 2. Samuel 12. v. 8: Deum Davidi tanquam insigne beneficium imputasse, quod ei complures uxores dederit. Nam singulare Dei beneficium si fuit aliquando Polygamia, nunquam contra jus naturæ, quod æternum & immutabile est, esse poterit, add. pag. 778. §. 17. pag. 782. §. 19. Expresse autem in Elementis Juris universalis his verbis, at verò ut unus pluribus fœminis simul jungatur, etsi lege divina positiva inter Christianos jam credatur interdictum, legi tamen naturæ in se haud repugnat.



*Circa Decalogum sequentes notan-  
tur errores.*

25. Decem Præcepta prout duabus tabulis in-  
sculpta & per Moſen populo Iſraelitico promulga-  
ta fuerunt civiles (vel forenſes) leges ejusdem popu-  
li fuiſſe pag. 1025. § 4. Quando. In quo errore Du-  
cem ſuum Hobbeſium non quidem in totum, ſed  
in tantum ſequi vult, à quo tamen perrarò diſcede-  
re ſolet.

26. Nudam illam & univerſalem cognatio-  
nem, quæ ex ſimilitudine naturæ reſultat, cauſam &  
fundamentum eſſe, propter quod homo hominem  
diligat p. 6. §. 7. In ordine autem. pag. 187. §. 18. Nam  
revera. (ita vero ſentit contra illud Genef. 9. v. 6. ubi  
imago Dei fundamentum mutuæ charitatis eſſe  
ponitur.)

27. Dictum Salvatoris, quo jubemur proxi-  
mum noſtrum diligere ſicut nos ipſos, explican-  
dum eſſe non tam de gradu dilectionis, quàm de  
ejuſdem ſinceritate p. 226. Qui error Papifticus eſt.

28. Neminem ſibi ipſi obligatum eſſe, niſi re-  
ſpectu ſocialitatis, quo reſpectu etiam homo Dei  
ſervus eſt pag. 86. & Præfat. fol. ult. fac. 1. dantur  
ſane &c.

29. Nullam eſſe morum honeſtatem & inno-  
centiam ubique & extra ſocietatem ſervandam, ſeu  
citra

citra reflexionem ad alios homines in *Præfat. fol.*  
*ult. fac. 1.*

30. In naturali statu neminem altero superio-  
rem esse, cuius arbitrio voluntatem suam suumque  
iudicium submittit pag. 143. & 763. Sic pater filium;  
& maritus uxorem non régerent, nec iis dignitate,  
iudicio; robore corporis, animo & ætate præ-  
valerent.

*Errorum ingentem committit autor circa*  
*Magistratum Politicum.*

31. Principi (absoluto puta) injuriam subditis  
inferenti, si evitandi locus non sit, vi occurrere posse  
pag. 1004. 1006. & 1007. contra illud 1 Petr. 2. v. 18.  
vide Gerhard, de Magistratu Politico §. 484. & 485.

Quem corruptarum novitatum pruritus præ-  
posterè instigat contra juris naturæ & divini solida  
fundamenta; is unicum omnium instar sibi com-  
mendatum habeat Puffendorhium, à quo tuius an-  
ni spatio tam immensum novarum opinionum cu-  
mulum sibi comparabit, quos omnes orthodoxi  
Theologi per omnem vitam ei adimere non vale-  
bunt. Multos quidem Magnatum & Nobilium fi-  
lios Heidelbergæ olim habuit discipulos, & jam  
Londini in Suecorum Universitate habet (ut fama  
fertur,) attamen eorum neminem ex abortu suo  
Monzambano & damnato Hobbesio, quos ipsi  
continuò inculcare studet, quicquam præclari do-  
cuit


cuit. Hos acceptâ eorum pecunia, splendide inanes domum remittit, sic suæ crumenæ, & non eorum ingenio consulit. O tempora, ô mores! Nobis insuper à fide dignis nuperrimè relatum est, ipsos Professores Londinenses, præsertim Theologos Lutheri animositate Puffendorhium jamdudum multorum errorum accusasse, quem tamen Procerum gratia penes Regem contra omnium insultus adhuc conservavit &c. Nec mirum, periculosas ac inauditas Puffendorfii novitates Theologis orthodoxis vehementer esse inuisas, cum jam ante multos annos ipsis etiam Calvinianis Professoribus Heidelbergensibus, tam Theologis, quàm Jurisconsultis, ut & Cancellario Blumio propter novas rerum formas, fictitios terminos, monstruosâ entia moralia &c. valdè displicuerit, quem ut Philosophum & Philosophiæ Professore magis in studio historico, quàm in Theologico vel Juridico versatum autumarunt. De hisce novitatibus, quas unico obulo venales nimis carè vendi emique credimus, suo tempore prolixius agemus.

F I N I S.



12

Nov 1891



★  
Angelo Pandimiglio  
★



★  
restaurante  
★

825650

★ 8274800

